

*Date - 02/04/2025      Time - 7:30 -7:40Hrs*

## REGIONAL NEWS BULLETIN

### HEADLINES (MORNING)

1. Chief Minister Pu Lalduhoman Olympic 2036 a India aiawh thei khawpa thalai talent nei tha zawnehhuah hna an thawk mek a ti.
2. Health Minister Pi Lalrinpuiin Health Care Scheme thar hnuaiiah damdawiin pakhat atanga he scheme hmang thei damdawiin danga damlo refer awlsam zawk nan Empanelled hospital Specialist Doctor-te thuthlukna pawm a ni ang a ti.
3. Parliament chuan nimin khan Tribhuvan Sahkari University Bill,2025 a pass.
4. Gujarat-a Banaskantha district-a halpuah siamna hmunpui kangah mi 18 an thi.

<><><>

### CM

Chief Minister Pu Lalduhoman Olympic 2036 a India aiawh thei khawpa thalai talent nei tha zawnehhuah an thawk mek a, Tuichangral Championship pawh naupang talent zawn nan hman a ni ang a ti.

Nimina E. Lungdar Mini Sports Complex-a Tuichangral Championship 2025 a hawnaah he thu hi sawiin Chief Minister chuan Infiamna tam tak chu eizawna tlak a nih tawh avangin a bei tak takte tan chuan hlawhtlin theihna leh ram leh hnam chawimawina a ni a, sorkarin naupang talent nei tha te zawn chhuah a, training tha tak pea, Olympic 2036 a India aiawh thei khawpa buatsaih a tum a ni a ti.

Sports Minister Pu Lalnginglova Hmar pawhin thusawiin, Tuichangral t pawhin Naupang talent nei thate kan rawn zawng a, nakumah pawh an la zawng leh dawn a ti a, C. Lalremsanga anga Olympic khel thei nih lo tum turin thalaite a chah a ni.

TGSA huam chungah khaw 33 an awma, kuminah hian khaw 17 an inlan ang a, a vaiin inelna chi 15 ah an nei ang.

<><><>

### TRANSPORT DEPARTMENT

Transport Department Director Pu R. Lalrammawia'n sorkar kum kalta chungin Aizawl khawpui chungah lirthei nuai 2 sing 32339 a ziahluh a ni, a ti.

Akashvani News Correspondent Lalengmawii'n a kawmnaah he thu hi sawiin Director chuan The Motor Vehicle Amendment Act 2019 chu sorkar laipuiin kalpui tura thu a chhuah hnuah Mizoram sorkarin a buaipui nghal a ti a, hremna an rawn ti sang tih sawiin dan thar siam hmaa pawisa chawi cheng

100 chu dan tharah chawi tur cheng 500 a ni a ti a, pawikhawihna dangah cheng 1500 thleng chawi tir theih ani tih a sawi.

Director chuan Mizoram Sorkar in The Motor Vehicle Amendment Act 2019 a hman hnuah dan bawhchhiatna a tlem thu a sawi a, mipuiten dan chu hrechianga zawm theuh tur leh mi tin te himna tur ani tih hre turin an duh tih a sawi bawk.

Director sawi danin dan tharah helmet khum loh chu Section 194 hmanga hrem theih an nih bakah cheng 1000 chawi theih a ni a, driving license thla thum hren sak theih an ni tih sawiin kum tlinglo lirthei khalh chu dan phalloh anih avangin Nu leh Pa ten mahni fa te veng fimkhur turin a duh thu a sawi a, Lirthei kum tlinglo khalh tirtu lirthei neitu chu kum 3 thleng lung in tan tir theih a ni tih sawiin pawisa cheng 25000 chawi tir theih an nih bakah an lirthei licence kum 1 chhung cancel theih a ni a ti bawk.

<><><>

## MUHCS

Health & Family Welfare Minister Pi Lalrinpuiin Mizoram Universal Health Care Scheme hnuaih damdawiin pakhat atanga he scheme hmang thei damdawiin danga damlo refer awlsam zawk nan Medical Referral Board piah lama Empanelled hospital Specialist Doctor-te thuthlukna pawm a ni ang a ti.

Nimina MINECO-a Mizoram Universal Health Care Scheme (MUHCS) chungchang zir hona hun buatsaihah he thu hi sawiin Pi Lalrinpuii chuan chhuanlam hrang hrang avanga Primary Health Centre emaw Community Health Centre emaw District Hospital emaw atangin khawpui lian zawk a damlo enkawl hna hlanchhawn a nih hmian an inentirna hmasaah thawktuten theihtawp chhuah a inenkawl hna an kalpui hmasak thin a pawimawh a ti a. Hetianga hna kalpui a nih chuan Mizoram chhunga PHC-a khum 500 bawr vel leh CHC-a khum 270 bawr velte chu tangkai zawk a hman a nih tur thu leh khawpui Hospital-a khum indaih lohna avanga harstana thleng thin chu nasa tak a chhawk zangkhai a nih tur thu a sawi a. Hetihruah hian an theih bak harsatna a awm a nih erawh chuan damlo enkawl tura hmun lian zawka inhlanchhawn chu a tul hunah chuan inthlahrung lo turin a chah bawk a ni

Health Minister chuan Mizoram mipui hriselna enkawl na changlung zawk 'Mizoram Universal Health Care Scheme' hlawhtling taka kalpui nan Health Department thawmthat a pawimawh thu tarlangin chumi tur chuan Hospital, CHC leh PHC a dah belh tur Medical doctor 8, Nurse 300, Dialysis technician 10, Laboratory technician 10, X ray technician 15, Pharmacist 6, Public Relations Officer 4, Accounts Manager 3 leh Data Manager 15 lakna tur kalpui mek a ni a ti a. Inkalpawhna tha hmang tangkai thiam Natna zawn chhuah lama tan lak a pawimawh thu a sawi a ni.

He hunah hian District tin a Chief Medical Officer, District Medical Superintendent, Community Health Centre leh Primary Health Centre-ah thawktute an tel a, kalkhawmte chu midangte hnena MUHCS pawimawhna leh a kalphung zirtirtu tur an ni.



## ALKA LAMBA

All India Mahila Congress President Pi Alka Lamba chuan Mizoram sawrkar chu mipuite mamawh, abikin hmeichhiate mamawh pek kawngah a hlawhchham hle a ni, a ti .

He thu hi nimina Aizawl Press Club a chanchinbumite a kawmnaah sawiin Pi Alka Lamba chuan Congress sawrkarna Telengana-ah chuan Gas bur khat cheng 500 in mipuiten an lei thei a ni, a ti a. Karnataka State-ah pawh hmeichhe tan Bus chuan man a awm lo a, Mizoram sawrkar pawhin hmeichhiate tan tih theih a nei ngei a rin thu a sawi a ni.

Pi Lambai chuan Manipur buaina ah pawh PM Narendra Modi in a tlawh theilo chu a hriatthiam loh thu leh State chhung buaina chu a ngaihthah hle a ni a ti a. Manipur mipuiten Prime Minister leh Home Minister te beisei thin mahse, anni chuan an beiseina chu engmah lovah an ngai a ni, a ti bawk.

Mizoram chu ram dang Myanmar leh Bangladesh ramri a nei a chung ramri te chu ven that anih loh avangin Mizoramah drugs a lut nasa em em a, chu chu sorkar hian tihngaihna a hrela a ni, a ti a. Mizoram a tlawh chhan chu Congress party chhunga hmeichhia te tichak turarawn kal a ni a ti a. Nikum September ni 15 khan Mahila Congress Foundation Day neihnaah Membership Drive an neih tawh thu leh mi nuai 5 laiin an zawm tawh thu a sawi bawk a ni.



## KOLASIB

Kolasib District Drivers & Owners Jt. Action Committee (JAC) hruaitute chuan Kolasib leh Bairabi inkar Kawngpui siam mek chu an Chairman Pu A. Vanlalhluna hovin nimin khan an tlawh a, Bairabi road-Rengtekawn leh Zero Point inkar kawngpui a Side Drain siam mek ah hmun thenkhat thawh chhonzawm nilo chu Fur hma ngei a hmalak chhonzawm an duh thu an sawi.

JAC hruaituten kan corr an hrilh danin, Bairabi kawng Zero Point leh Pangbalkawn inkar Kawngpui chu a chhe hle a, kum 2024 a siam that tawh te pawh a chhe leh hman tawh tih sawiin, kum khat em pawh daih lova Kawngpui siam a ni chu hriatthiam har an tih thu an sawi ani.

JAC hruaitute chuan Mizoram mipui nitin mamawh lak luhna Kawngpui pawimawh hi tun thal chhunga siamthat a nih loh chuan kumin Fur ah harsatna nasa tak a thlen leh an hlauh thu an sawi ani.

Contractor NIDI Company ten Bairabi leh a chhehvel Kawngpui thuamthat hna an thawk ta chu lawmawm an tih rualin, Bairabi leh Meidum inkar kawng an siam zawh tawh te chu a chhe leh tan tawh ni a sawiin, an kawng siam tlo lo tak te hi thuneitute hnenah thlen thuai an tum bawk niin thudawn ani. Contractor NIDI ten Bairabi By Pass Road an siam mek pawh rin

aiin an thawk chak lo an ti a, Fur in a nanchin an hlauh thu an sawi bawk. JAC hruaitute sawi dan in, NIDI te hian thla hnih hnuah chuan By Pass Road an siam mek te hi zawh hman an in beisei tih an sawi bawk.

Kolasib District Drivers & Owners JAC President Pu A. Vanlalhluna chuan, Bairabi khawchhung pawh Contractor in Fur hma in a siam zawh hman an beisei thu leh khawpui chhung zau zawka Blacktopping an thawk chu lawmawm a tih thu sawiin, Contractor NIDI Company tlchu ruahtui tlak tak tak hmaa an hna thawk zo turin hal chhung a ngen a. JAC hruaitute hian Bairabi Rel Crossing a MTDA Office an tlawh nghal bawk.

JAC hruaitute hian Kawngpui siam mek dinhmun an en hnu ah Executive Committee nei nghal in, a hma a an lo rel tawh Kolasib District chhung a National Highway kawngpui chhia te, March thla ral hmaa siamthat a nih loh chuan hmalak nghal tura an tih chungchang an sawiho nghal a ni.

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

TRIBHUVAN BILL PASSED

Parliament chuan nimin khan Tribhuvan Sahkari University Bill,2025 a pass. He bill hi Lok Sabha-ah pass anih hnuah nimin khan Rajya Sabha chuan a pass ve leh a. He dan thar hmang hian Institute of Rural Management Anand din a ni dawn a. He University hi a hmingah Tribhuvan Sahkari University phuah niin ram tana zirna in pawimawh bikah puan a ni zui ang. Hei bakah hian ramchhunga cooperative movement nawr kaltu tur a ni dawn a, he University hnuaiiah hian helam kaihnawih zirna in hrang hrangte chu ziahluh an ni ang. He bill sawihonaah zawhna chhangin Union Minister of State for Cooperation Marlidar Mohal chuan kum thum leh a chanve chhung khan Cooperative sector lamin kawng thar a zawh theih nan hma thar engemawzat lak anih thu a sawi a ni.

<><><>

PM

India leh Chile chuan Comprehensive Economic Partnership Agreement duang turin an inrem. Nimin khan Prime Minister Narendra Modia leh Chile President Boric Font te chu New Delhi-ah an inkawm a. Hruaitu pahnihte hian India-Chile inlaichinna hrang hrang zau takin an sawidun a. He hunah hian India leh Chile te chuan Disaster Management leh Cultural Exchange lamah thawhdun an remti bawk a ni.

PM Modia chuan thuchhuah siamin Chile chu India thian tha tak anih thu leh Latin America-a a thawhpui pawimawh tak anih thu a sawi a. An

inkawmnaah hian hmalakna tur thar tam tak an sawidun tih sawiin eibar zawinna lama an hlawkna tur a sawi bawka ni.

<><><>

## GUJARAT

Gujarat-a Banaskantha district-a halpuahna siamna hmunpui kangah mi 18 an thi. Gujarat CM Bhupendra Patel chuan vanduinna thleng chu pawia tih thu sawiin mitthi chhunte chu cheng nuai 4 theuha ral an nih tur thu a sawi a. Hliam tuarte pawh cheng sing 4 theuha kan an ni ang tih a sawi. Gujarat Cabinet Minister Rushikesh Patel sawidanin mi 5 in hliam an tuar a. In chim karah mi 23 an tang tih sawiin heng mi tangte hi chhanchhuah hna thawh nghal anih thu a sawi a. Hliam tuarte hi Palanpur leh Deesa ah kalpui nghal an nih thu a sawi. Minister chuan vanduinna thlenna halpuah siamna hi a license tih nun a nih loh thu sawiin heti chung hian halpuah engemawzat an kawl tho tih a sawi a. Sawrkar chuan hetiang vanduinna hi a thlen tawh loh nan chak takin hma a la dawn tih sawiin tun dinhmunah mi pahnih man an awm tawh tih a sawi a ni.

<><><>